



JABATAN PERKHIDMATAN VETERINAR

Department Of Veterinary Services

Kementerian Pertanian dan Keterjaminan Makanan

Wisma Tani, Blok Podium Lot 4G1 & 4G2

No. 28 Persiaran Perdana, Presint 4

62630 PUTRAJAYA

MALAYSIA

Tel : 603-8870 2000

Faks : 603-8888 6021

E-mel : pro@dvs.gov.my

Laman Web : www.dvs.gov.my

MAKLUM BALAS MEDIA

'ISU BEKALAN TELUR TAK SELESAI, KERAJAAN LAMBAT BERTINDAK'

1. Merujuk kepada laporan berita yang disiarkan oleh Sinar Harian *online* bertajuk **Isu bekalan telur tak selesai, kerajaan lambat bertindak** bertarikh 6 April 2023, Jabatan Perkhidmatan Veterinar (DVS) ingin memberi maklum balas berhubung perkara tersebut.
2. Bekalan telur dalam negara adalah mencukupi berdasarkan data unjuran DVS, dan terdapat lebih bekalan pada bulan Mac 2023 sebanyak 250.8 juta biji telur, limpahan kepada bekalan bagi bulan April 2023.
3. Sebagai makluman, kerajaan melalui DVS telah mengambil beberapa langkah dalam memastikan bekalan telur tempatan kekal stabil. Antaranya, sesi libat urus melibatkan Persekutuan Persatuan Penternak-Penternak Malaysia (FLFAM) telah diadakan pada 23 Mac 2023. Pengeluar telah meningkatkan pengeluaran mengikut permintaan sebelum dan semasa musim perayaan serta memberi jaminan bahawa pengeluaran telur tempatan adalah mencukupi.
4. Faktor yang menyebabkan kekurangan bekalan telur di lokaliti tertentu adalah disebabkan oleh faktor kos lojistik yang meningkat. Kementerian Pertanian dan Keterjaminan Makanan (KPKM) melalui FAMA telah mengambil inisiatif dalam penganjuran Jualan Terus Dari Ladang (JTDL) bagi membantu pengedaran bekalan di lokaliti yang memerlukan.
5. Selain itu, KPKM turut menawarkan pinjaman mudah melalui Agrobank sebanyak RM300 juta kepada penternak ayam melalui Dana Pembiayaan

Agromakanan untuk membantu penternak mengatasi masalah modal pusingan kewangan yang terjejas akibat kenaikan kos pengeluaran.

6. Bagi membantu para penternak dalam menghadapi cabaran-cabaran semasa dalam sektor penternakan, kerajaan pada 17 Februari 2023 telah memutuskan untuk meneruskan subsidi ayam dan telur sehingga Jun 2023 yang melibatkan kos sebanyak RM1.28 bilion. Pemberian subsidi ini diharap dapat meringankan beban penternak, ekoran dari peningkatan kos penternakan.
7. Dalam memastikan bekalan telur tempatan tidak terputus, kerajaan juga telah mengambil langkah membawa masuk telur dari negara luar, yang sememangnya adalah bersifat sementara sahaja bagi menampung permintaan tempatan sehingga bekalan di pasaran kembali stabil.
8. Kerajaan amat prihatin terhadap keperluan rakyat, termasuklah penternak dan sentiasa komited mengambil langkah proaktif bagi memastikan kebajikan rakyat terus terjamin.

**JABATAN PERKHIDMATAN VETERINAR
KEMENTERIAN PERTANIAN DAN KETERJAMINAN MAKANAN
11 APRIL 2023**